



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXX. Suppressio & extinctio Congregationum Canonicorum S. Georgii in
algà Venetiarum, ac Fratrum Jesuatorum, & S. Hieronymi de Fæsulis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

atos, seu eorum Agentes, & hæredes respectivè absque mora solvi, & eis consignari debere, sine tamen præjudicio quorumcumque Jurium Camera Apostolicæ quomodolibet debitorum, ac solvendorum, auctoritate Apostolicâ perpetuò statuit, & ordinavit, & aliàs prout in ipsius Pauli Prædecessoris litteris desuper in simili forma Brevis die 3. Januarii 1619. expeditis, quarum tenorem præsentibus pro plenè, & sufficienter expresso, & inserto haberi volumus, uberius continetur.

Magistri cæremoniariarum qui sint.

§. 2. Cùm autem præter prædictos Magistros Cæremoniariarum, qui duo sunt, & participantés vocantur, alii sint Cæremoniariarum Cappellæ nostræ Pontificæ Magistri interdum duo, & quandoque prout de præsentibus tres, qui non Participantes nuncupantur; ipsique Magistri Cæremoniariarum non Participantes in possessione accipiendi, & exigendi à singulis Cardinalibus in promotione ad Cardinalatus honorem triginta sex, & post eorum obitum ab eorum hæredibus viginti quinque ducatos auri de Camera pares ex laudabili consuetudine (ut accepimus) reperiantur.

Decretum de qua in rub.

§. 3. Nos attendentes Venerabiles Fratres nostros ejusdem S. R. E. Cardinales horum quoque Magistrorum Cæremoniariarum officio, atque ministerio egere & uti, dictaque emolumenta eis tanquam mercedem, seu pro eorum mercede præstari consuevisse, & propterea illorum indemnitati consulere volentes. Motu simili, ac ex certa scientia nostra prædictis Cæremoniariarum Magistris non Participantibus triginta sex in promotione ad Cardinalatus honorem, & viginti quinque ducatos auri de Camera prædictos inter eos pro æquis portionibus respectivè dividendos post obitum singulorum Cardinalium hujusmodi, etiam si ad Cardinalatus honorem promoti Romam nondum venerint, & sive in Romana Curia, sive extra eam & ubicumque illos decedere contigerit, in supplementum mercedis ordinariæ eorundem Magistrorum Cæremoniariarum non Participantium pariter deberi, illisque conjunctim per existentes pro tempore Cardinales prædictos, seu eorum Agentes, & hæredes respectivè absque mora solvi & eis consignari debere, sine ullo tamen quorumcumque Jurium Camera prædictæ quomodolibet debitorum, & solvendorum, ac anterioritatis, & posterioritatis Cæremoniariarum Magistrorum Participantium, & trium Sacri Collegii Officialium supradictorum præjudicio, auctoritate Apostolicâ, tenore præsentium itidem perpetuò statuimus similiter & ordinamus.

Executores deputat.

§. 4. Injungentes propterea dilectis filiis nostro ejusdem S. R. E. Collegii Cardinalium moderno, & pro tempore existenti Camerario, necnon caularum Curie Camera prædictæ generali Auditori, quatenus intra mensem à die promotionis eorundem Cardinalium computandum, etiam si iidem Cardinales nondum, ut præfertur Romam venerint per dicti Collegii Depositarium, vel alias prout melius expedire videbitur triginta sex, in obitu autem, seu post obitum prædictorum Cardinalium, sive in dicta Curia, seu extra eam, & ubicumque eos decedere contigerit, viginti quinque ducatos auri de Camera hujusmodi memoratis Magistris Cæremoniariarum non Participantibus ab hæredibus eorundem Cardinalium, quibusvis appellationibus, subterfugiis, & cavillationibus remotis, ut præfertur, persolverent, & cum effectu faciant, ac summarium, & expeditum jus illis administrent, omnibusque remediis opportunis sibi benevisis etiam cum invocatione auxilii brachii secularis cogant, & compellant.

Contrariis derogat.

§. 5. Non obstantibus Constitutionibus, & Ordinationibus Apostolicis, necnon omnibus, & singulis illis quæ memoratus Paulus Prædecessor in suis litteris prædictis voluit non obstat, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris, die 22. Novemb. 1668. Pontificatus Nostri Anno secundo.

Suppressio & extinctio Congregationum Canonico-rum S. Georgii in Alga Venetiarum, ac Fratrum Jesuatorum, & S. Hieronymi de Fæsulis.

XXX.

CLEMENS PAPA IX.

Ad perpetuam rei memoriam.

Edita An. D. 1668.

Romanus Pontifex agri dominici curæ more seduli patris familias jugiter invigilans, ad evellendas indè Religiosorum Ordinum, atque Congregationum plantas, quæ deficiente primævo religiositatis vigore, atque spiritu, nullam seu valdè modicam in Ecclesia Dei utilitatem præstant, nonnunquam adducitur, sicut publico ejusdem Ecclesiæ bono conducibile in Domino arbitratur.

Exordium.

§. 1. Hæc consideratione, aliisque gravissimis, & rationabilibus causis Nobis notis adducti, motu proprio, ac ex certa scientia, & matura deliberatione nostris, deque Apostolica potestatis plenitudine Congregationes Canonico-rum Sancti Georgii in Alga Venetiarum, ac Fratrum Jesuatorum Sancti Hieronymi, & Fratrum ejusdem Sancti Hieronymi de Fæsulis, sub regula Sancti Augustini una cum omnibus earum respectivè dignitatibus, officiis, ac ministeriis, omnique conventualitate, collegialitate, titulo, essentia, ac denominatione, tenore præsentium perpetuò extinguimus, supprimimus, & abolimus.

Suppressio Congregat.

§. 2. Ac universa earundem Congregationum sic suppressarum respectivè bona mobilia, & immobilia tam sacra, quam profana, Conventus, Collegia, Monasteria, domos, vineas, prædia, canones, responsiones, fructus, introitus, & jura quæcumque, ubicumque locorum existant, nostræ, & Sedis Apostolicæ dispositioni in usus, & opera pia per eos, quibus id à Nobis, & Sede præfata commissum fuerit, convertenda referamus.

Bona earum in opera pia convertenda.

§. 3. Præterea Canonicis, & Fratribus dictarum Congregationum suppressarum, qui nunc vivunt, & in eisdem Congregationibus respectivè professionem emiserunt, facultatem transeundi ad aliam quamcumque Religionem ab eadem Sede approbatam, in qua benevolos invenerint receptores, aut remanendi in sæculo in habitu Clerici secularis sub jurisdictione, & obedientiâ Ordinariorum locorum, ubi eos morari contigerit, cum provisione ipsorum singulis pro alimentis, Clericis quidem in summa quadraginta scutorum monetæ Romanæ, Laicis verò, seu Conversis in summa viginti scutorum parium annis singulis donec vixerint, seu aliundè sufficienter eis provisum fuerit, super certis bonis, aut redditibus Congregationum suppressarum hujusmodi respectivè per eosdem Ordinarios assignanda, tribuimus, & impartimus.

De Ecclesiis suppressis providet.

§. 4. Postremò, ne Ecclesiæ earundem Congregationum suppressarum debito destituantur servitio, sed factæ teatæ custodiantur; prædictis Ordinariis locorum, in quibus Ecclesiæ ipsæ sunt sitæ; per præsentem committimus, & mandamus, ut Cappellanos deputent cum competenti mercede, etiam super re certa de bonis prædictis assignanda, per quos Missis, & aliis oneribus satisfiat, ac ipsis Ecclesiis debitus cultus, & veneratio conservetur: utque dicti Ordinarii Inventarium tam sacræ, quam profanæ suppellectilis ad Congregationes suppressas hujusmodi respectivè spectantis accuratè conficiant, ac provideant ne à quoquam occultari, occupari, aut indè amoveri

ullate-